

他諸喻何以達乎。夫種天主之言也。播種傳天主之道也。田者人心也。遺道傍踐踏且食者聞天主之言而被魔撓亂志意不存者也。墮落磽礫立稿者聞天主之言亦喜受之。然立根不深。稍遇媿阻。輒生厭也。蔽覆于叢棘者。既聞天主之言。又被世務貨財佚樂之念。蔓覆抑塞。不復勇猛前進也。惟播于沃壤者。聞天主之言。而蓄於至善之心。力行之。卽以含忍之德而結寔也。但行之功效。多寡不一。故有三等之別焉。

天國四喻 第十

耶穌又諭曰。天國如田。播種皆嘉穀也。有讐者潛播之以稂莠。佃者告于主人。請盡芟之。主人曰。不可。莠去則嘉穀隨之。姑俟其成。吾必命先斂稂莠。投諸烈焰。然後取嘉穀而登之廩也。又曰。天國如播種于田者。既播而任其滋生。迨成熟。王者始至以收斂之。又曰。何以譬天國。似乎芥實。其較諸蔬獨小。及其長發也。翹出諸蔬之上。枝幹扶疎。足栖戾天之鳥。又曰。天國如以酵發麵。今有麩數斛。以

微醜投之。麩滓發焉。利用甚廣。耶穌訓人皆取過言寓意。俟弟子有請始明言之。蓋前聖豫謂寓言啟。日。闡明從古之秘奧。此其證也。耶穌散衆歸舍。宗徒問稂莠之旨。耶穌曰。播種者。人子也。田者。人世也。嘉穀。善人。稂莠。惡人也。讐者。邪魔。收斂者。世界之窮盡也。斂刈者。天神之致命也。付烈焰者。入地獄也。登廩庾者。升天國也。惡人在獄痛號切齒。善人在天放光如日。能悟者悟之。

求天國三喻 第十一

耶穌曰。天國如重寶。藏於人之田。或窺其端。復覆藏之。不勝喜。必傾所有。購此田也。又如鬻寶者。偶見一美珠。必盡捐貲市之。又曰。天國如舉網得魚。必擇其嘉者。納諸器。其不嘉者。棄之淵。故世界窮盡。天神來別善惡二種。惡者悉昇之火。其痛苦哀號。有不忍聞焉。爾輩悉喻乎。皆曰。唯唯。

晦迹本鄉 第十二

耶穌復還納雜勒故居。瞻禮日。講道如常。一日。講經。至古聖依撒意亞所豫言。上主之神。與我偕焉。遣我為曉諭貧乏者。醫療痛裂其心者。為榜諭已